

白樂天文集卷之二十二

判五十道

得丁上言豪富人畜奴婢過制請據品秩為
限約或責其越職論事不伏



品秩異論臧獲有數苟踰等列是紊典常丁志在作
程惡夫過制爰陳誠於白奏俾知禁於素封將使豪
富之徒資雖積於鉅萬僮僕之限數無踰於指十抑
濫義叶於隋時革弊道符於漢日責其論事無乃失
辭若守職以越思則為出位將盡忠於陳計難伏嘉

言楚既失之鄭有辭矣

得甲為邠州刺史正月令人修耒耜廉使責其失農候訢云土地寒

教有權節業無易宜地苟異於寒溫農則殊於早晚甲分憂率職從俗勉人天時有常農宜先定地氣不類寒則晚成雖愆揉木之時未建把草之候正惟廉使何時遺縱稼器之已脩先成焉用苟土膏之不起欲速何為誠宜嘉乃辨方豈可詰其行古循諸周禮修耒雖在於季冬訓此幽人于耜耒率於正月責則

未也訢之宜哉

得乙掌宿息并樹客至不誅相翔者御史糾之辭云罪在守塗之人

姦或不誅吏將焉用苟欲糾其官失必先辨以司存乙慎守無聞掌徒有怠嘉賓戾止誠宜慮以相翔暴客率來固合擒而勿佚既隳官禁是縱公行且戒事之前不申嚴於聚擻慢官之後欲移過於守塗誠率屬之方宜甘責帥之罰然以官雖聯事等列或殊罪不同科重輕宜別此夫所屬請以異論

得丙為私客擅入館驛欲科罪辭云雖入未
供

傳舍是崇使車攸處將供行李必辨公私何彼客遊
欲從公食豈無逆旅宜受饋於盤飧既匪使臣何苟
求於館穀信饗饗而是啓寧僭濫之可容同周官之
廬入宜銜命非鄭氏之驛置豈延賓法既自干咎將
誰任然則不應入而妄入刑固難逃而已供與未供
罪宜有別請從減降庶叶科條

得洛水暴漲吹破中橋往來不通人請其弊

河南府云雨水猶漲未可修橋縱苟施功水
來還破請待水定人又有辭

大水為災中橋其壞車徒未濟誠有阻於往來修造
從宜亦相時之可否顧茲浩浩阻彼憧憧人訐川梁
不通壅而為弊府慮水沴荐至毀以重勞苟後患之
不圖則前功之盡棄將思濟衆固合俟時徵啓塞之
文雖必葺於一日防懷襄之害未可應乎七星無取
人辭請依府見

得丙為將敵人遺之藥丙受而飲之或責失

人臣之節不伏

軍尚隱情臣宜守道况幄中之權宜除當絕外交之
嫌丙受命建牙遇敵飲藥直雖可舉忠則不知但事
君在公訓旅貴信失人臣之節爾豈自明惑士卒之
心吾將安仰况兵惟尚詐人不易知同饋醪而無他
推誠猶可苟流毒而不察雖悔寧追無謀既昧三思
不伏恐涉貳過切疑以飲徒徇陸抗之名未達而嘗
且墜宣尼之訓是違師律難責鄰言

得丁將在別屯士卒有犯每專殺戮御史舉

劾訴稱曾受祭戟之賜

將非處右莫敢示威軍或別屯則宜專命丁位雖佐
理今以戎行執專征之權錫弓於周典操司殺之柄
受祭於漢儀既有令而必行信無瑕而可戮實握兵
之能政奚執簡之舉違如或稟命於連營畏予不敢
今則分部而賜戟無我有違宜崇魏絳之威劾執專
恭之罪

得甲告老請立長為嗣長辭云不能請讓其
弟或詰之云弟好仁

讓賢雖仁廢長非順後聞健善則理其如亂嗣不祥
甲告老於朝立子為後雖急難自舉必有可觀者焉
而長幼以倫無所苟而已矣况欲正其爵位豈宜越
以鴈行于弟克恭厥兄徒見好仁之請知子莫若於
父蓋從立長之言無忌雖欲傳家季札終當棄室諒
可致詰罔聽不能

得乙出妻妻訴云無失婦道乙云父母不悅
則出何必有過

孝養父母有命必從禮事舅姑不悅則出乙親存為

子年壯有妻兆啓和鳴投室之儀雖備德非柔淑宜
家之道則乖若無爽於聽從曷見尤於謹怒信傷婉
媿理合化離且聞莫慰母心則宜去矣何必有虧婦
道然後棄之未息遊詞請觀往事姜詩出婦蓋為小
瑕鮑永去妻亦非大過明徵斯在薄訴何為

得丙有姊之喪合除而不除或非之稱吾寡
兄弟不忍除

喪雖寧戚禮且節哀惟不足與有餘必跂及而俯就
丙愛深血屬禮過時宜與鮮兄之歎情既鍾於孔懷

及居婦之喪服將除而不忍雖志崇敦睦而事越典
彝况儀貴適中哀不在外宜抑情而順變多矣以為
苟在禮而或踰過猶不及請遵仲尼之訓無執季路
之辭

得丁陷賊庭守道不仕賊師逼之辭云克舜
在上下有巢許遂免所司欲旌其節大理執
不許

臣節貴忠國經懋賞宜遵善道難廢彝章丁陷在賊
庭強其祿仕敦再三之義因時難而名聞守無二之
忠經歲寒而節見逼夷齊以周粟引巢許於唐臣身
以道存情非利動所當厚獎何乃深疑且人無不臣
之心所謂順也邦有惟重之典其可廢乎從亂則必
論辜守道豈無旌善野哉大理信乃執迷展矣所司
誠為勸沮

得丙為大夫有喪丁為士而特弔或責之不
伏

官有常尊禮無不敬位若殊於等列弔則異其節文
丙為大夫丁乃元士居喪而哭合遵朝夕之期特弔

以行奚越尊卑之序既卑前典乃速斯言且禮貴明
徵位宜慎守俟非其事信于食采之榮儀失其宜徒
展贈藹之意是曰無上將何以觀

得吏部選人入試請繼燭以盡精思有司許
之及考其書判善惡與不繼同有司欲不許
未知可否

旁求俊造迨將筮仕歷試文辭俾從卜夜苟狂簡而
無取宜確執而勿聽萃彼群才登于會府惟賢是急
慮失寶於握珠有命則從許借光於秉燭及乎考覈

罕有菁英屬辭既謝於棟金待問徒煩於繼火將期
百鍊之後思苦彌精何意一場之中心勞逾拙曷如
早已焉用晚成敢告有司勿從所請

得乙貴達有故人至坐於堂下進以僕妾之
食或請之乙曰恐以小利而忘大名故辱而
激之也

貴賤苟合曾是汎交窮達相致乃為執友乙既登貴
位爰有故人以為念舊追歡知己之心未至行權勵
節成人之美則多不登夫子之堂乃進僕人之食苟

推誠而相激雖屈辱以何傷安實敗名重耳意慙於
子犯感而成事張儀終謝於蘇君是勉後圖且符往
行如或識終半面契未同心雖發憤以達人必取怨
於謗已以斯致謂亦謂合宜

得丙領縣府無蓄廩無儲管郡詰其慢職丙
云王者富人藏於下故也

賦歛異名君臣殊政藏諸百姓在王者而則然虛我
千倉於職司而不可丙置茲國用豐彼家財人不誅
求誠為寬政府無儲蓄寧匪慢官况今征稅有常公

私兼濟苟能取之以道則下自樂輸何必藏之於人
使上將乏用既爽奉公之節宜甘掠羨之科罔縱縣
辭請依郡詰

得丁食於喪者之側而飽或責之辭云主人
食我以禮故飽

飲食以陳庶無求飽齋哀可恤仁豈忘情丁靡念人
喪姑求主禮遇加遵之膳誠可療飢對泣血之哀亦
宜忘味既念古蠲之饌是忘惻隱之心况春於其鄰
相猶遠禮而食於其側飽亦非仁徒嘉施氏之儀且

昧宣尼之教勿思變色當顧戚容

得甲為獄吏囚走限內他人獲之甲請免罪
園土不嚴罪人其遁亡而由已誠曰慢官獲則因人
其可宥過相維彼甲所謂攸司不念恪居傲于美里
旋聞失守逸乃楚囚雖非故縱所求曾是慢常而致
徒藉勿佚未可塞違得於他人自是踈網無漏失其
所職豈可出匣不科無貪假手之功固甘心於罰
得乙川遊所由禁之云有故要渡
示衆知防必修水禁救人鮮死無縱川遊乙行險不

思憑河無悔慕呂梁之術習於浮水違周官之令志
彼危身將不弔而是虞雖有故而宜禁忌予產喻政
爾則押而翫之引仲尼格言吾恐蹈而死者既殊利
涉當戒善遊未可加刑且宜知懼

得丙為將每軍休止不絕營部監軍使効其
無備辭云有警軍陣必成何必勞苦

將首有謀勞而後逸師不用律臧亦為古况未靖方
隅尚勤征伐即戎推彼既崇四七之名臨敵屯營何
率什伍之列是使人慢孰謂戎昭薄威雖欲恤勞徹

警恐為懈怠且有嚴有翼猶奪先人之心不備不虞
寧救長蛇之尾必也權能制勝謀必出奇亦待臨事
有成然後斯言可信監軍之效舉未適中彼丙之辭
誠可乃已

得丁乘車有醉吐車茵者丁不科而吏請罪
之丁不許

克寬克仁所謂易事不知不愠是曰難能况乎醉起
甕間嘔盈車上小人沉酒自貽謂於彼昏君子金弘
乃忘情於斯怒宥過所宜無大知非庶使有慙未乖
觀過之仁雅叶諱思之義且怒當及物察貴用情絕
纓繼淫醉而猶捨吐茵及亂誤豈不容無從下吏之
規庶叶前賢之美

得甲牛舐乙馬死請償馬價甲云在放牧處
相舐請陪半價乙不伏

馬牛于牧蹄角難防苟死傷之可徵在故誤而宜別
况日中出入郊外寢訛既谷量以齊驅或風逸之相
及爾牛孔阜奮蹄角而暮當我馬用傷踣駿足而致
斃情非故縱理合誤論在皂棧以來思罰宜惟重就

桃林而招損價則後輕將息訟端請徵律典當陪半價勿聽過求

得丙娶妻三年無子舅姑將出之訴云歸無所從

承家不嗣禮許他離去室無歸義難棄背丙將崇繼代是用娶妻百兩有行既啓飛鳳之兆三年無子遂捺別鵠之音將去舅姑終鮮親族雖配無生育誠合比於斷弦而歸靡適從庶可同於束紼固難効於牧子宜自哀於鄧彼無抑有辭請從不去

得丁喪親賣宅以奉塋或責其無廟云貧無以為禮

慎終之道必信必誠死塋之儀有豐有省諒欲厚於卜宅亦難輕於慮居丁昊天降凶遠日叶吉思塋具之豐備欲紓九原顧家徒之屢空將鬻三畝愛雖深於送死義且涉於傷生念顏氏之貧豈宜厚塋覽子遊之間固合稱家禮所貴於從宜孝不在於益侈蓋伸破產之禁以避無廟之嫌

得甲之周親執工役之業吏曹以甲不合仕

甲云今見修改吏曹又云雖改仍限三年後
聽仕未知合否

業有四入職無二事如或居肆則不及仕門甲爰有
周親是稱工者方恥役以事上且恩祿在其中有慕
九流雖欲自遷其業未經三載安可同升諸公難違
甲令之文宜守吏曹之限如或材高拔俗行茂出群
豈唯限以常科自可登乎大用以斯而議誰曰不然
得乙請用父蔭所司以贈官降正官蔭一等
乙云父死王事合與正官同

官分正贈蔭別品階如酬死繼之勲則厚賞逾之寵
追思乙父勵乃臣節捐軀致命尚克底定爾功繼代
勸能豈忘勤恤我後椒聊既稱有實桃李未可無陰
忠且忘身優宜及嗣如或病捐館舍贈官當合降階
今則正衛國家叙蔭所宜同正庶旌義烈用叶條章
得丙為錄事參軍刺史有違法事因封狀奏
聞或責其失事長之道丙云不敢不忠於國
守位居常小宜事大持法舉正卑可糾尊丙名署外
臺身由中立直而自守郡郵之政必行明不相蒙州

將之邪無隱且六條枉撓百事滋昏苟不提網是為漏網雖舉違犯上虧敬長之小心而陳奏盡忠得事君之大節既非下訕難抑上聞

得丁私發制書法司斷依漏洩坐丁訴云非密事請當本罪

君命是專刑其無小玉言非密罪則後輕丁乃攸司屬當行下不慎厥德擅發如綸之言自災于身難求踈網之漏然則法通加減罪有重輕必也志在私行唯當專達之責如或事關樞密則科漏洩之辜請驗跡於紫泥方定刑於丹筆

得甲為所由稽緩制書法直斷合徒一年訴云違未經十日

王命急宣行無停咎制書稽緩罪有常行將欲正其科繩必先揆以時日懈位敗度慢令速尤蓄急棄之心既虧臣節壅駿奔之命自犯國章然則審時勾稽考租定罪法直以役當期月所由以違未決辰將詐年以斷徒恐乖閱實請據日而加等庶叶決平是曰由文俾乎息訟

得乙盜買印用法直斷以偽造論訴云所由
盜賣因買用之請減等

賄以公行印惟盜用罪之大者法可逃乎伊人無良
同惡相濟所由既敗官為墨子取子求彼乙乃竊器
成姦不畏不入潛謀斯露竊弄難容猶執薄言將求
未減用因於買比自作而雖殊情本於姦與偽造而
何異以姦降等誠恐利淫

得有聖水出飲人日千數或謂偽言不能愈
疾且恐爭鬪請禁塞之百姓云病者所資請

從人欲

執禁之要在乎去邪為政之先必也無訟訟彼泉水
流于道周飲瓢之人孔多篋聞病間濫觴之源不足
必起爭端訟所由生欲不可縱上善未能利物左道
足以惑人且稽以祥符徵之時事地不藏寶當今自
出醴泉天之愛人從古未聞聖水無聽虛誕之說請
塞訛偽之源

得丙有志行隱而不仕為郡守所辟稱是巫
家不當選吏功曹按其詭詐丙不伏

鳴鶴處陰聲聞于外玄豹隱露樂在其中此將適於
退藏彼何強之維繫丙業敦道行志薄宦情太守以
舉爾所知將申蒲帛之聘夫子以從吾所好不顧弓
旌之招懼俗吏之徒勞引巫家以自穢異其言遜獲
免翻以行詐論辜况商洛拂衣漢且求之不得潁川
洗耳堯亦存而勿論天子尚不違情功曹如何按罪
得丁為刺史見冬涉者哀之下車以濟之觀
察使責其不順時修橋以徼小惠丁云恤下
津梁不修何以為政車服有命安可假人丁職是宗
班體非威重輕漢臣之寵失位於高車徇鄭相之名
濟人於大水志雖恤下道昧叶中與其熊軾涉川小
惠未遍曷若虹橋通路大道其夷啓塞既缺於日修
揚勵徒哀其冬涉政既闕重情近沽名宜科十月不
成庶辨二人無政

得甲告其子行盜或謂其父子不相隱甲云
大義滅親

法許原親慈通隱惡俾恩流于下亦直在其中甲鹵
奔人倫思傷天性義方失教曾莫愧於父頑攘竊成

姦尚不為其子隱道既虧於庭訓禮遂闕於家肥且
惟叱樂羊可謂不慈傷教况罪非石厚徒云大義滅
親是不及情所宜致誦

得州府貢士或市井之子孫為省司所詰申
稱群萃之秀出者不合限以常科

惟賢是求何賤之有况士之秀者而人其捨諸惟彼
郡貢或稱市籍非我族類則嫌雜以蕭蘭舉爾所知
安得弃其翹楚誠欲惡其卑賤諒難捨其茂異揀金
於砂礫豈為其賤而不收度木於澗松因以地卑而

見棄但恐所舉失德不可以賤廢人况乎識度冠倫
出自牛鑿之後心計成務擢於賈豎之中在人事而
足徵何常科之是限州中有據省詰非宜

得乙兄選人識官選人代試法司斷乙與代
試者同罪訴云

官擇賢良選稽名實苟作偽而心拙必代斲而至傷
乙情非各姦行乖周慎將如吾面逐充識以不疑實
見子心果代試而有悔既彰聞而貽威乃連坐以論
辜察情諒不同謀詰罪誠應異罰法無攸赦選方當

準格論人不易知識官所宜情恕削奪恐為過當貶降庶協決平

得甲與乙爵位同甲以齒長請居乙上乙以皇宗不伏在甲有司不能斷

庠序辨儀則先長長朝廷列位必尚親親惟彼周行是名同位德非心競禮失肩隨甲以桑榆年高何以卑我乙以葛藟族貴奚獨後予各與爭長之辭遂昧常尊之位然禮經尚齒且王室貴親晉鄭同儕信高卑之或等勝飾異姓諒先後之可知難遵少長之倫

宜守親疎之序

得選舉司取有名之士或云不息馳騫恐難責實

聲雖非實善豈無名不可苟求亦難盡棄屬時當側席任重掄材思得士於聲華恐諭人於奔競若馳騫而方取慮非歲貢之賢如寂寥而後求恐失日彰之善將期據實必在乎精但取捨不私是開乎公道則吹噓無益自閉其幸門名勿論於有無鑒自精於舉措

得太學博士教胄子毀方瓦合司業以非訓導之本不許

教惟馴致道在曲成將遜志以樂群在毀方而和衆况化人由學成性因師雖和光以同塵德終不雜苟圓鑿以方柄物豈相容道且尚於無隅義莫先於不辟司業以訓導貴別或慮雷同學官以容衆由寬何傷瓦合教之未墜蓋宣尼之言然文且有微則戴氏之典在將勸學者所宜違之

得甲居家被妻毆答之鄰人言其違法縣斷徒三年妻訴云非夫告不伏

禮貴妻柔則宜禁暴罪非夫告未可懸刑何彼無良於斯有怒三從罔敬待以庸奴之心一杖所加辱於女子之手作威信傷於婦道不告未爽於夫和招訟於鄰誠醜聲聞于外斷徒不伏未率直在其中雖昧家規難逃縣見

得乙合家理廉使舉請投官吏部以無出身不許使執云行成於內可移於官

請還正名誠宜守序敷求懋德安可拘文乙積行於

家譽彰于外廉使以道敦知已欲致我於青雲天官
以限在出身將棄予於白屋事雖異見理可明微掄
瑣湏之材則循舊格刈翹翹之楚寧守常科幸當側
席之求無惑刻舟之執况自家刑國移孝入忠既聞
道不虛行足見舉非失德所宜堅決無至深疑
得丙定婚訖未成而女家改嫁不還財丙訴
之女家云無故三年不成

義敦好合禮重親迎苟定婚而不成雖改嫁而無罪
丙謀將著代禮及問居二姓有行已卜和鳴之兆三
年無故竟愆媿婉之期桃李恐失於當年榛栗遂移
於他族既聞改適乃訴納微揆情而嘉禮自虧在法
而娉財不返女兮不爽未年九十之儀夫也無良可
謂二三其德去禮逾遠責人斯難

得丁為大夫與管庫士為友或非之云非交
利也

見賢不稱且虧事上之節非義苟合則涉黷下之嫌
丁貴乃立家友其管庫不思進善徒務卑尊若接而
或非自貽交利之責倘知而不舉則速蔽賢之尤既

求覈於是非姑欲紊乎貴賤况公叔薦士家臣尚見
同升雖文子好能管庫不聞為友信率慎守宜及或
非

得四軍帥令禁兵於禁街中種田御史劾以
無勅文辭云因循歲久但有利於軍

為國勸農田疇有制示人知禁衢路彼先贍彼三農
藝斯五稼且叮囑是務豈是贍軍雖轍臨不加未為
曠土輦轂必資於平易康壯難繼以荒蕪務有畔之
農秋成而利亦盡寡侵如砥之道歲久而弊則滋多

請論環衛之非式表鐵冠之劾

得甲為郡守部下漁色御史將責之辭云未
授官已前納采

諸候不下用戒淫風君子好逑未垂婚義甲既榮為
郡固念宜家禮未及於結褵責已加於執憲求取於
本部之內雖處嫌疑定婚於授官之前未為縱欲况
禮先納采足明嫵婉之求娉則為妻殊非強暴之政
宜聽隼旗之訐難科漁色之辜

得乙為三品見本州刺史不拜或非之稱品

同

桑梓攸重必在恪恭官品斯同則宜抗禮乙班榮是
踐威重可觀况衣錦還鄉已崇三品之秩雖剖符臨
郡應無再拜之儀豈以州里版圖而紊邦家典制如
或商周不敵敢不盡禮事君今且晉鄭同儕安得降
階卑我既不慙素何恤或非

得丙為獸人冬不獻狼責之訴云秦地無狼
鮮或不給既曠乃官辭且無徵是重其罪丙獸人斯
掌禽獸罔供當路可求曾不思於彘尾充庖為用遂

有闕於虞腸既慙冬獻之期難假西鄰之責載詳地
產重抵國章薦必以時吾能言於周有生靡常所予
勿謂其秦無縱口給之不慙在函欺而無捨

得丙負丁財帛下不告官強取財物過本數
縣司以數外贓論之不伏

人縱於貪動而生悔物非其道取則有賊丁放利欲
廉丙適債未償懷不忌而強取姑務豐財逞無狀之
過求豈非贖貨情難容於強暴法必禁以奪讓以交
易而求多尚宜准盜在倍稱而過數孰謂非賊若以

律論當從縣斷

得乙請襲爵所司以乙除喪十年而後申請引格不許乙云有故不伏

爵命未墜嗣襲有期在紀律而或愆當職司而宜舉乙舊德將繼新命未加所宜纂彼前修相承以一子何乃廢其後嗣自棄於十年歲月既已滋深公侯固難必復然以法通議事理貴察情如致身於宴安則宜奪爵若居家而有故尚可策名須待卑辭方期析理

得丁為士葬其父用大夫禮或責其僭辭云從死者

禮為辨貴孝不貶親是謂奉先孰云僭上丁慶加一命憂及三年凶降昊天且結茹荼之痛古從遠日方追食采之榮既貴賤之殊宜亦父子之異道同曾元易簣正位於大夫殊晏嬰遣車見非於君子未爽慎終之義允符從死之文辭則有微責之非當

得甲將死命其子以嬖妾為殉其子嫁之或非其違父之命子云不敢陷父於惡

白樂天文集卷之二十二
觀竹慰心則稟父言辨惑執禮宜全子道甲立身失
正沒齒歸亂命子以邪生不戒之在色愛妾為殉死
而有害於人違則弃言順為陷惡三年之道雖舉先
而無改一言以失難致親於不義誠宜嫁是豈可順
非况孝在慎終有同魏顆理命事殊改正未傷莊子
難能宜忘在耳之言庶見因心之孝

白樂天文集卷之二十二